



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 422;
fax. +387 33 726 423
e – mail: info@voda.ba

Broj: **UP-1/21-3-40-199-3/23**
Datum: **20.06.2023. godine**

„Agencija za vodno područje rijeke Save“ Sarajevo rješavajući po zahtjevu pravnog lica „Baumit proizvodnja“ d.o.o. Sarajevo za donošenje rješenja o vodnoj dozvoli za aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada proizvodno-poslovnog pogona (postrojenje za pripremu pijeska i postrojenje za proizvodnju mortova) sa pratećim objektima i sadržajima, izgrađenog u naselju Rakovica, općina Ilidža, na zemljištu označenom kao k.č. br. 717/63 K.O. (z.k. stanje) i k.č. br. 893, 894, 896 i 897 K.O. Rudnik (kat. stanje), općina Ilidža, na osnovu člana 139. stav (1) tačka 10. Zakona o vodama („Sl. novine Federacije BiH“, br. 70/06) i člana 200. stav (1) Zakona o upravnom postupku („Sl. novine Federacije BiH“, broj 2/98, 49/99 i 61/22), donosi

RJEŠENJE **o vodnoj dozvoli**

1. Pravnom licu „Baumit proizvodnja“ d.o.o. Sarajevo daje se vodna dozvola za aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada proizvodno-poslovnog pogona (postrojenje za pripremu pijeska i postrojenje za proizvodnju mortova) sa pratećim objektima i sadržajima, izgrađenog u naselju Rakovica, općina Ilidža, na zemljištu označenom kao k.č. br. 717/63 K.O. (z.k. stanje) i k.č. br. 893, 894, 896 i 897 K.O. Rudnik (kat. stanje), općina Ilidža.
2. Ova vodna dozvola ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa, a sve u skladu sa važećim zakonskim propisima, uredbama i dr.
3. Rješenje o vodnoj dozvoli je doneseno na osnovu pregleda dokumentacije kojom raspolaže podnosilac zahtjeva, izvršenog uviđaja i utvrđenog činjeničnog stanja na objektu i pod slijedećim uslovima:
 - 3.1. Da se upotreba i korištenje predmetnih objekata vrši u skladu sa njihovom prirodom i namjenom te u skladu sa uslovima iz ove vodne dozvole.
 - 3.2. Da se objekti čija je svrha odvođenje i prečišćavanje onečišćenih voda (slivnici, kanali sa rešetkama, revizionna okna i dr.) redovno održavaju i koriste na način koji će obezbijediti njihovu potpunu ispravnost i funkcionalnost.
 - 3.3. Korisnik objekta je obavezan pridržavati se svih mjera i uslova propisanih u saglasnostima i dozvolama izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.
 - 3.4. Da se, u skladu sa propisima iz oblasti zaštite okoliša, vrši bezbjedno skladištenje i postupanje sa opasnim materijama i otpadom nastalim na predmetnom lokalitetu (adekvatnim mjerama onemogućiti bilo kakvo isticanje i rasipanje opasnih i štetnih materija na tlo i u vode).
 - 3.5. Sadržaj (mulj) iz revizionih šahtova i kanala i ostali otpad ne smije se odlagati na česticu „vodno dobro“, odnosno u vodotoke i na njegove obale.
 - 3.6. Da se istrošena ulja, nauljene krpe i sav opasan otpad koji će nastati na prostoru postrojenja za pripremu pijeska i postrojenja za proizvodnju mortova redovno prikuplja i propisno, privremeno skladišti u metalne spremnike, do krajnjeg, ekološki prihvatljivog zbrinjavanja od strane ovlaštene organizacije, a prema sačinjenom ugovoru.

4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11, 88/12 i 03/16), te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.

5. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetnog postrojenja obuhvaćenim ovom vodnom dozvolom, korisnik zaštitnih vodnih objekata nije odgovoran za nastale štete.

6. Ukoliko radom predmetnog poslovnog objekta za koji se izdaje ova vodna dozvola dođe do promjene režima površinskih i podzemnih voda, a te promjene prouzrokuju štete ma kakvog karaktera, korisnik objekta je dužan uzroke štete otkloniti, a nastale štete nadoknaditi.

7. U periodu važenja ove dozvole, pravno lice je dužno provoditi sve mjere i aktivnosti propisane istom.

8. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.

9. Ova vodna dozvola, shodno članu 117. stav (1) Zakona o vodama se daje sa rokom važenja od 5 (pet) godina od dana pravosnažnosti ovog rješenja.

10. Prije isteka važnosti ove dozvole korisnik je dužan da podnese zahtjev za izdavanje nove vodne dozvole.

11. Ovo rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Pravno lice „Baumit proizvodnja“ d.o.o. Sarajevo obratio se ovoj Agenciji sa zahtjevom za donošenje rješenja o vodnoj dozvoli za aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada postrojenja za pripremu pijeska i postrojenja za proizvodnju mortova, sa pratećim objektima i sadržajima izgrađenim u naselju Rakovica, općina Ilidža, na zemljištu označenom kao k.č. br. 717/63 K.O. (z.k. stanje) i k.č. br. 893, 894, 896 i 897 K.O. Rudnik (kat. stanje), općina Ilidža.

U provedenom postupku, uz zahtjev za izdavanje vodne dozvole dostavljena je i pregledana slijedeća dokumentacija:

A. Opća dokumentacija:

- Rješenje o izmjenama podataka, broj:065-0-Reg-18-006044 od 14.12.2018. godine izdato od strane Općinskog suda u Sarajevu – ovjerena kopija,
- Rješenje o vodnoj dozvoli, broj:UP-I/25-3-40-384-7/17 od 13.06.2018. godine izdato od strane Agencije za vodno područje rijeke Save, Sarajevo – kopija,
- Rješenje o vodnoj dozvoli, broj:UP-I/25-3-40-384-5/17 od 07.07.2017. godine izdato od strane Agencije za vodno područje rijeke Save, Sarajevo – kopija,
- Opći akt o održavanju, korištenju i osmatranju vodoprivrednog objekta od 20.09.2022. godine,
- Rješenje o okolinskoj dozvoli, broj:UPI 05/2-23-11-51/18 od 02.11.2018. godine izdato od strane Federalnog ministarstva okoliša i turizma – kopija,
- Rješenje o vodnoj dozvoli, broj:07-06-21-3537/23 od 04.04.2023. godine izdato od strane Ministarstva privrede Kantona Sarajevo – kopija,
- Punomoć podnosioca zahtjeva bez broja od 10.04.2023. godine,
- Izvještaj o monitoringu kvaliteta i kvantiteta otpadnih voda tvornice „Baumit proizvodnja“ Rakovica, broj izvještaja:1031/22, juli 2022. godine urađen od strane „Inspekt-RGH“ d.o.o. Sarajevo,
- Račun broj:10-3-2023 od 09.06.2023. godine izdat od strane „Parkelj“ d.o.o. Ilidža – kopija,

- Račun broj:00094 od 31.05.2023. godine izdat od strane JP „Ilidža“ d.o.o. Hrasnica – kopija,
 - Anex okvirnog ugovora o isporuci tehničke vode sklopljen sa JP „Ilidža“ d.o.o. Hrasnica, broj:14UD19 od 27.02.2019. godine – kopija,
 - Okvirni ugovor o isporuci tehničke vode sklopljen sa JP „Ilidža“ d.o.o. Hrasnica, broj:70UD17 od 31.08.2017. godine – kopija,
 - Ugovor o pružanju usluga sklopljen sa „Aida Commerce“ d.o.o. Sarajevo, broj:81UD/17 od 30.10.2017. godine – kopija,
 - Računi, broj:USL-224/22 i USL-330/22 izdati od strane „Aida Commerce“ d.o.o. Sarajevo – kopije,
 - Dokaz o uplaćenju federalnoj upravnoj pristojbi na zahtjev.
- B. Tehnička dokumentacija:
- GP Kanalizacije za plato w&p Baunit u Rakovici urađen od strane „IPSA Institut“ d.o.o. Sarajevo, juni 2017. godine,
 - Rezervoar za hidrantsku vodu izvedeno stanje, urađen od strane „Art“ d.o.o. Busovača, oktobar 2018. godine,
 - Glavni projekat /projekat nivelacije//projekat kišne i fekalne kanalizacije//projekat sanitarne i protupožarne vode/ urađen od strane „Cema“ d.o.o. Sarajevo, mart 2008. godine,
 - Glavni projekat rezervoara za hidrantsku vodu, urađen od strane Diwanx“ d.o.o. Sarajevo
- Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.
- U skladu sa članom 12. stav 5. i 6. Pravilnika o sadržaju, obliku, uvjetima i načinu izdavanja i čuvanja vodnih akata („Službene novine Federacije BiH“ broj 31/15, 55/19, 41/20, 63/22) izvršen je uviđaj na lokaciji proizvodno-poslovnog objekta (postrojenje za pripremu pijeska i postrojenje za proizvodnju mortova), izgrađenih u naselju Rakovica, općina Ilidža, na zemljištu označenom kao k.č. br. 717/63 K.O. (z.k. stanje) i k.č. br. 893, 894, 896 i 897 K.O. Rudnik (kat. stanje), općina Ilidža i tom prilikom sačinjen Zapisnik o izvršenom uviđaju broj: UP-1/21-3-40-199-2/23 od 16.06.2023. godine.
- Na osnovu dostavljene dokumentacije, izvršenog uviđaja na licu mjesta utvrđeno je sljedeće:
- Proces proizvodnje u postrojenju za pripremu pijeska i postrojenju za proizvodnju mortova se sastoji iz sljedećih funkcionalnih cjelina: preuzimanje materijala, postrojenje za pripremu pješčanih agregata, silosi (9 za sirovine i 1 silos za skladištenje suviška filteta), kao i 3 silosa za sirovine čija gradnja se predviđa u daljnjim fazama, doziranje, mješalica, pakiranje i paketiranje, utovar, elektro dio, skladište te vanjski izložbeno prodajni prostori i sadržaji. Proces proizvodnje je u potpunosti automatizovan, odvija se u zatvorenom prostoru i pod stalnim nadzorom.
 - U procesu proizvodnje ne koristi se voda niti nastaju tehnološke otpadne vode.
 - Podnosilac zahtjeva je postupio po zahtjevima iz Rješenja o vodnoj dozvoli broj:UP-I/25-3-40-384-7/17 od 13.06.2018. godine tj. izgradio je objekte i sadržaje u skladu sa GP kanalizacije za plato w&p Baunit u Rakovici, „IPSA Institut“ d.o.o. Sarajevo, juni 2017. godine kojim je dato rješenje prikupljanja oborinskih voda sa pristupnog puta, radno-manipulativnih površina i izložbeno-skladišnog prostora.
 - Onečišćene vode sa radno-manipulativnih površina nesmetano se sakupljaju putem slivnika sa rešetkama se odvođe do mjesta na kojem se spajaju sa tretiranim sanitarno-fekalnim vodama, a zatim se ispuštaju u recipijent – vododerinu napuštenog površinskog kopa.
 - Zbrinjavanje sanitarno-fekalnih voda će se vršiti u septičkoj jami nakon koje se ove vode dovode do uređaja za tretman, koji ima raspon rada od 11-22 ES, što zadovoljava fleksibilnost u zavisnosti od broja uposlenika. Nakon tretmana, preko revizionog okna prečnika Ø 1500 mm tretirana fekalna kanalizacija spaja se sa oborinskom i dalje se ispuštaju do recipijenta- vododerina napuštenog površinskog kopa.
 - Mašinsko i mehaničko čišćenje bioprečištača vrši „Aida Commerce“ d.o.o. Sarajevo.
 - Uvidom u Izvještaj o monitoringu kvaliteta i kvantiteta otpadnih voda tvornice „Baunit proizvodnja“ Rakovica, broj izvještaja:1031/22 urađen od strane „Inspekt-RGH“ d.o.o. Sarajevo zaključeno je da izmjereni parametri zadovoljavaju granične vrijednosti emisije otpadnih voda koji se ispuštaju u prirodne recipijente u skladu sa Uredbom.

- Snabdijevanje vodom za potrebe obaranja prašine, pranje radno manipulativnih površina i za protivpožarne potrebe vrši se dopremom vode autocisternama u skladu sa sklopljenim ugovorom sa JP „Ilidža“ d.o.o. Hrasnica.

- Voda za piće se obezbjeđuje kao flaširana.

- Servisiranje i opravke mehanizacije te skladištenje nafte i naftnih derivata se ne vrše na predmetnom lokalitetu. Servisiranje viljuškara vrši se u firmi „Parkelj“ d.o.o. Sarajevo.

U periodu od izdavanja Rješenja o vodnoj dozvoli na prostoru proizvodno poslovnog kompleksa objekata i sadržaja nije vršena dogradnja sistema, izgradnja novih sadržaja, objekata, proizvodnih linija i sl.

Na osnovu dostavljene dokumentacije i utvrđenog činjeničnog stanja, a u svrhu smanjenja negativnih uticaja predmetnog objekta i aktivnosti na stanje voda i vodni režim, podnosiocu zahtjeva su ovom vodom dozvolom propisani uslovi u skladu sa odredbama člana 116. Zakona o vodama i članova 12. i 13. Pravilnika o sadržaju, obliku, uslovima, načinu izdavanja i čuvanja vodnih akata i Uredbe o uslovima ispuštanja otpadnih voda u okoliš i sisteme javne kanalizacije.

Tačka 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada („Službene novine Federacije BiH“, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH“, broj 46/07, 10/14 i 03/16).

Na osnovu provedenog postupka konstatuje se da je podnosilac zahtjeva „Baumit proizvodnja“ d.o.o. Sarajevo ispunio minimum uslova za izdavanje vodne dozvole za aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada proizvodno-poslovnog objekta (postrojenje za pripremu pijeska i postrojenje za proizvodnju mortova), izgrađenog u naselju Rakovica, općina Ilidža, na zemljištu označenom kao k.č. br. 717/63 K.O. (z.k. stanje) i k.č. br. 893, 894, 896 i 897 K.O. Rudnik (kat. stanje), općina Ilidža te je riješeno kao u dispozitivu ovog Rješenja.

Podnosilac zahtjeva je uplatio upravnu taksu u iznosu od 70 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi („Službene novine Federacije BiH“, broj 06/98, 8/00, 45/10 i 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obrađivač akta:

mr Selma Merdan, dipl.inž.geol.

Prilog: Tehnička dokumentacija navedena pod tačkom B-1 obrazloženja rješenja

Po ovlaštenju
Rukovodilac sektora za izdavanje vodnih akata

Hana Alischović dipl. inž. građ.

Dostaviti:

- Baumit proizvodnja d.o.o.
- Rudnik 121, 71210 Ilidža, (kao u prilogu),
- AVP Sava, ISV – Vodna knjiga,
- Sektor 50,
- Sektor 40, arhiva,
- Oglasna ploča-AVP Sava

Neprijavljeno, 23.06.2023.